



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Alexandrum VII. P. M. recurrente ejus natali die.

urn:nbn:de:hbz:466:1-11215

A D
 S F O R T I A M
 P A L L A V I C I N U M
 C A R D I N A L E M A M P L I S S I M U M.

*De Petro Soavi in Historia Concilii
 Tridentini confutato.*

SI te, magne Heros, tellus Argiva tulisset,
 Cūm vacua adscripsit fortibus Astra viris;
 Vidissetque tuā confossum cuspidē monstrum,
 Sternere quod centum non potuere manus;
 Qua Nemēs, Lernæque feras posuere, trophæum
 Herculis, arderet quæ tibi victa fera est.
 Quodque habet Alcides, tu cælum invictē teneres,
 Creditus hoc humeris sustinuisse tuis.

A D
 ALEXANDRUM VII. P. M.

recurrente ejus natali die.

HÆc, quæ te, Princeps, in luminis edidit auras,
 Alma dies, donis iret onusta meis.
 Omnia sed mea rimanti mihi se nihil offert,
 Quod non ipse tuum dicere jure queas.
 Quò fit, ut ingratus videar, vel rusticus in te:
 Seu tibi nil donem; seu tua restituam.

Do

Donarem versus; sed & illos Musa fatetur,
Cùm tu me Vatem feceris, esse tuos.

A. D.

JACOBUM NINUM ARCHIEPISCOPUM CORINTHI,

HOROLOGIUM CASTRI GANDULPHI.

JAcobe salve, ac Nestoris dies vive,
Qui rebus animum maximis parem servas,
Virisque vulgus semper invidum claris,
Morum, ingenique suavitate vicisti.
Si te familiæ Præsidem Palatinæ,
Et cognitorem supplicum libellorum,
Adire fas est flagitantibus curvæ
Opem senectæ, aut claudicantibus membris:
Tu si benignâ quemque sublevas dextrâ;
Accipe secundâ T E M P O R I s preces aure.
Quòd sim tremens, edentulus, situ squalens,
Pædore, macie, anhelituque confessus,
Nil doleo: morbi sunt enim senectutis,
Nec in orbe toto me senilis quicquam est.
Doleo, quòd iste horarius faber, dum me
Miserum tot inter ferreas rotas versat
Malè temperatas, atque araneis plenas,
Inersque plumbum, perperamque libratum,
Deformat, ac ludibrium facit vulgi:
Nam horis velut membris ter octo componor:
Hæ sunt mihi pectus, caput, pedes, venter,
Et reliqua. Dum ergo susque deque miscentur,

Et